



21465

kat.komp.

tus Ustiensis

III

Mag. St. Dr.

P

*Bieżanowski Janisłai for. Fons signatus in altissimo
Sacrosanctae Trinitatis mysterio existens*

PANEG. et VITAE

Polon. Fol.

N^o 910.

Biblioteka Jagiellońska



stdr0002763

FONS
SIGNATIVS,

In Altissimo Sacrosanctæ TRINITATIS mysterio existens,

A

Clarissimo, & Admodum Reuerendo Domino,

D.M. ALBERTO
PAPENKOWICZ VSTIENSE

Collegâ Maiore, S. Theologiæ Sententiario, Ecclesiæ Col-
legiatæ S. FLORIANI Canonico, Cancellario Siradiensi,
Contubernij STARINGIELIANI Prouisore, &c. &c.

D V M

In primo suo ad S. Theologiæ Sententiarium accessu, Librū primū Magistri
Sententiarum de Sanctissimâ TRINITATE inchoatūrus, arduam de Pro-
cessione diuinarū Personarū Quæstionem, in frequentissimâ Nobilissimorū
hospitum coronâ, publicè in Archilyceo Theologico velitandam exponeret,

RESERATVS,

ET

A.M. STANISLAO, IOSEPHO BIEZANO-^WSKI,
Leopol. Philosophiæ in Almâ Vniuersitate Crac. DOCTORE,
honoris, & gratulationis ergò, officiosissimo plaudentis
cytharæ obsequio.

CELEBRATVS.

Anno Domini MDCLVIII. Die 6. Mensis Iunij.

CRACOVIAE.

Apud Viduam Lucæ Kupisz, S. R. M. Typogr.

BIBLIOTH. VNI.




PHICAE

Clarissime, & Admodum Reuerende Domine,

Sacræ Theologiæ Sententiariæ.



Altissimum Sacrosanctæ TRIADOS mysterium, ipsis etiam Sera-
phicis mentibus tremendum, & inscrutabile; nec tam hymno, quam pro-
fundi silentij ueneratione decentè recolendum, dum ex Magistro Senten-
tiarum in Archilycæo Theologico explanaturus arduam de Processione, diuinarum
Personarum Quæstionem, iuxta laudabilem Sacræ Theologiæ Facultatis con-
suetudinem, publicæ uelitationi exponis, non indecorum tantum; sed etiam
reprehensioni obnoxium Musa mea censuit, tantis Nobilissimæ Professionis
Tus auspicijs solenni Vatum obsequio non applaudere. Nam cum inau-
dissem diuinissimum hoc, vnus in Trinitate DEL, & abstrusissimum secretum, lucem habitans inac-
cessibilem, in cuius circuitu nubes & caligo, excellenti ingenio, laboriq; Tuo commissum; subiretq;
in mentem, sacrum illud beatarum mentium Trisagion, & viginti quatuor seniorum cum cytharis,
& demissis coronis profundissima adoratio; æquissimum profectò iudicauit, nos quoq; infimos terræ
vermiculos, nullam sanctissimi huius mysterij mentionem, sine deuotissimo mentis, orisq; Applausu
transmittere debere Fons hic signatus, nemini vnquam, nisi cui ipsa Sanctissima TRINITAS vo-
luerit, reueratus; nemini, nisi fortè sponsæ, Osculetur me osculo oris sui, clamanti, in osculo
amoris (teste D. Bernardo) reuelatus, iuxta veterem, omnium seculorum fontes coronare præci-
pientium consuetudinem virentibus laudum corymbis debuit omninò coronari. At nec noua hæc in
Sacræ Theologiæ facultate dignitatis Tus accessio, locusq; tantus, quo nihil propius ad summos in
Republicâ literariâ honores esse potest, quidquam aliud sibi, quam festos Cytharæ Applausus, expo-
sere videbatur. Tanta quippè sunt cum Tua, tum maiorum quoq; Tuorum Clarissimorum, quos
nobis Vstiense solum dedit, virorum, in Almam Matrem Nostram promerita, vt ea, publici elogij te-
stimonio non decorare, piaculo proximum sit. Viuit adhuc Magni Patru Tui, Perillustris Olim
Domini IACOBI VSTIENSIS, S. Th. Doctoris, Præpositi S. FLORIANI, Viri de Re-
publicâ literariâ optimè meriti, recentissima in pectoribus Nostris memoria, quem ROMA quidem
Fortissimum Causæ Academicæ Propugnatozem; Thorunum verò ob scholasticæ Theologiæ excellen-
tiam, Acerrimum Orthodoxæ fidei Defensorem; Academia deniq; nostra, primum Cursus Philoso-
phici, Clarissimumq; Theologiæ iubar, Sceptrorumq; suorum decus eximium, non sine ingenti spe-
ctauit solatio; cuius tu Sanctissimis vestigijs insistens, viuum nobis exhibes in Te Magni Patru
Tui exemplar; quando post tot in BIALENSIS primùm Collegij Academici Directoratu, ma-
gnæq; Illustr. Ducum in ZBARAZ, & VISNIOVEC, Prosapix generosissimâ propagine
Orbi Sarmatico efformata, post tot in Philosophico, Theologicoq; stadio exantlatos labores; post
tot, apud summos Regni Proceres, quibus Carissimus serper fuisti, pro bono communi suscepta,
feliciterq; confecta negotia, virtuti, & eruditioni Tus debitum, sublimiorem in Sacra Theolo-
gicâ facultate conscendens gradum, nobilissimum die hodiernâ certaminis Theologici specimen
exhibere voluisti, quod vt Tibi, ita & Almæ Matri Nostræ honorificum, Contubernio verò No-
stro STARINGIELIANO non potest esse non gratissimum; quippè cuius Turudera,
& lugubres Suecici furoris reliquias, curâ, & sollicitudine Paternâ Amantissimus ROXOLANÆ
Palladis Prouisor, restituiti; breui etiam, quod speramus, pastinum Florentissimi olim Contubernij
statum, aureaq; musis STARINGIELIANIS sæcula, redditurus. Et hæc quidem spes
nostra in sinu Tuo reposita est; in Te autem Clarissime, & Admodum Reuerende Domine, vt ex
Fonte signato celestis benedictionis, & continuæ felicitatis torrens perpetuus desluat, votum nostrum
est; quod Tu, vnâ cum Officioso cytharæ plaudentis obsequio, vt eâ, quæ inte-
suauissima est, humanitate suscipere digneris, omnis Tibi
mecum supplicat Hippocrene.



FONS SIGNATUS.

*Nemo novit Filium, nisi Pater, neq; Patrem quis novit, nisi Filius,
aut cui Filius voluerit revelare. Matth. 11.*

*Nec ipsi Angeli videre Te possunt sicuti es: nulli demiq; alij tota, nisi Tibi
soli nota es, omnipotens Trinitas. D. Aug. in meditat. cap. 29.*

Absiste Clio; Tunè rebellibus
Ad vsq;ue Sacras cœlituum domos
Volare pennis? insolenti
Tunè humilem meditaris ausu
Sublime vatem tollere in aetheris
Iugum micantis? Tunè Sacerrimam
Tentas abyssum claritatis,
Cœruleum per inane ductis
Lustrare ocellis? cernis vt igneos
Vultus Seraphim grande nitentium
Velamen alarum recondat,
Luminis ad iubar increati?
Cernis trementum corda Quiritium,
Intaminatæ militiæ Duces,
Fusis adorantes coronis?
Icarij noua monstra casus
Periculosus mitte volatibus
Tentare; pennis ponè modum tuis;
Mortale curarum grauamen
Præcipites tibi frænet alas;
At æstuanti, nectare Olympicæ
Ardore quaris fors sapientiæ,
Gustuque terrarum relicto
Sola tibi sapit æuiterni
Dulcedo fontis? fac age Craciæ
Delubra Stoæ, Theologos sub
Inter penates; veritatis
Grande bonum referes latentis.
Minore curâ, læta quid auream
Frontem ferenas? iamque labelluis
Gustare signatos pudicis
De properas bona Clio fontes?
O quàm sapisti Musa! reconditum
Fontis relinquens nectar Olympici,
Fluenta P A P E N K O V I A N Æ
Quando Tibi placuère suadæ.

Viden?

Viden? profundum quàm pelagus Sacrà
 Sulcet carinà? & PNEVMATIS à PATRE,
 NATOque procedentis, altum
 Quàm facili referet secretum,
 Ternumque summi funiculum DEI,
 LOMBARDIANÆ Theologus Scholæ
 Ritu docendi! differentium
 Oppositos prout arte nodos
 Soluat Magistrâ? nempe coloribus
 Relucet in Te ducta recentibus
 Imago IACOBI VSTIENSIS;
 Vernat adhuc rediuius in Te
 Summus vireti flos Theologicj;
 In corde magni cor Patruï Tuo,
 Sapitque, cœlestesque pandit
 Eloquio grauiore sensus,
 QVSTIENSIS dulce decus soli!
 Diuini gloria paginae,
 Sacrae PAPENKOVVI Cathedræ
 Fax rutilans, Aquiniquæ splendor!
 Te Liliatis viderat altiùs
 BIALENSIS olim Musæ colonia
 Vectum quadrigis; Te coruscis
 Cynthia ZBARAZIANA flammis
 Ambire visa est; Stoa Tibi suum
 VLADSLAVIANI curriculum dedit
 Illustre cursûs, inque Sacrum
 Currere Te voluit cacumen,
 Hoc calle, magnus quem Patruus Tibi
 Calcauit ante, & passibus inclytis
 Præiuit. hic ergo Cathedram
 Quando gradus super altiorem
 Te ponet olim, propitijs eum
 Nunc scande votis, fonteque mystico
 Arcana pande TRINITATIS,
 Deque Tuo pretiosus ore
 Sententiarum per Cathedras CRA CI
 Decurrat inber, qui sitientium,
 Restinguat ardorem, Sacrisque
 Dogmatibus pia corda potet.
 Pro fonte, quo Tu torrida mentium
 Rigabis, iugens Te Empyreæ manet
 Fons claritatis, & coruscum
 Theologo super axe nomen.

SOLI DEO HONOR. ET GLORIA.

BIBLIOTH. UNIV.



JAGELLONICAE

J. XXII. 24.

